


nis capacitatem decidunt.

PROGNOSTICA. Aqua inter cutem laborantibus, vlcera in corpore facta, difficulter ſanantur, propter nimiam humorum abundantiam. Quicumque ſuppurati, aut aquam inter cutem habentes vruntur, aut ſecantur, ſi aqua, aut pus vniuerſum effluerit, omnes moriuntur. Aqua inter cutem laborans ſi à tuſſi habeatur, aut ſi poſtquam ſectus eſt malum redeat, deſperatus eſt. Omnium periculoſiſſima tympanites eſt; ſecundum locum obtinet aſcites, anaſarca verò ceteris facilior eſt curatu, ſignificatur enim robur naturæ, cum ad omnes partes diffunditur id quod noxium eſt. Omnes autem inueteratæ hydropeſ, & quæ iam habitum corrumpunt, ſunt periculoſiſſimæ, neque niſi cum magna moleſtia diſcutiuntur. A tumore duro iecoris vel lienis ſi fiat hydropeſ, inſanabile fit malum. Phthiſici hydropeſem incurrunt magna ex parte, eò quòd iecori malum communicetur; eluuiſ enim ſaniola atque virulenta viam inueniens, in iecoris ſubſtantiam diſfuſa aliquando obhæret, eiùſque ſubſtantiam corrumpit.



Methodus pro curatione

HYDROPIſ INſER-
VIENS.

Perficitur autem ſubſequentibus remediorum generibus.

VICTVS RATIONE.

A Er lucidus ſit in quo æger verſatur, modicèque ad calidum atque ſiccum declinet; morbum enim auget humidus ventolùſque aër.